

11.5.1971

## NOS MORTS

### Giachen Giusep Gamboni-Valier, Sedrun



Igl ei strusch da crer che quei um da statura marcanta vegni schi spert clamaus ord questa veta per render si'olma al Scaffider. In malesser viril ha sfurzau el tut sur ura de serender el spital a Glion, ch'ei daventaus sia davosa staziun. En pia regurdientscha vulein nus sespruar da dedicar in per plaids al car defunct. Giachen Giusep (ne Giaca Sep sco el vegneva numnaus) ei naschius a Sedrun ils 18 da fenadur 1904. Els eran dus frars e treis soras dils geniturs Sep Fidel e Margretha natta Monn. Siu sulet frar ei bein gleiti sgulaus enta parvis, aschia che el ei restaus sulet frar.

E gia suenter inper meins che nies preziau defunct aveva viu il clar dil di ha el piars sia cara mumma. Aschia ha il bien Giachen Giusep gia en tgina stuii far enconuschientscha culla dolo. Mo tuttina ei quei suleagl d'affonza penetraus da gliez temps en quell'enfiarla, ha accum-

pignau el atras sia entira veta, salvond ad el adina ed en tuttas situaziuns in saun e frestg humor. El era insumma in um cul qual ins steva tgunsch e bugen en cumpagnia. Ed en buna tgira de sias soras, che han giu de remplazzar la mumma, eis el carschius si. Igl era veramein admirabel co quels fargliuns setenevan ensemen. Quella veglia e biala izonza ch'ei oz il pli en digren — malsogna dil temps — duei esser e restar in exempel per nus temporans.

Oriunds fussen ils Gambuns stai dalla val Calanca, mo gia siu basat era seretratgs a Tujetsch ed avon in tshupel onns han ins undrau quella famiglia cun dar ad els il dretg da burgheis Tuatschin.

Era cheu seigi menziunau che quella famiglia ha giu tradiziun d'astgar ir a Cuera mintgamai per il s. jeli e reparter quel allas caplanias della Surselva. Gia siu tat ei ius varga 50 onns e lu bein capiu tut a pei ed il preziau defunct 30 onns. Ina gada, aschia raquintava el sez, ch'el vegnevi dalla punt gronda en, hagi in cert policist ne militer (temps d'uiara) teniu si el e dumandau tgei, ch'el vagabundeschi entuorn. — Mo il Giaca Sep ei gleiti staus libers da quel. — Ed oz ha siu feagl Meinrad quella biala missiun e honur. Ins mava l'entschatta dell'jamna sontga ed il venderdis era el a Sedrun.

Ils 8 da november 1934 eis el maridau cun Barla Catrina Valier da Camischolas e quella famiglia ei stada benedida cun siat affons. Derivond d'ina famiglia cun tradiziun purila, ha el adina demussau grond interess al puresser. Varga 15 onns eis el staus ella musica e nundumbreivels onns el cant baselgia e chor da vallada (oz buca pli!) Cun Giachen Giusep va puspei ina veglia mo sauna moda e maniera de viver a piarder, per dolo della generaziun pli passada, che vegn denton strusch datgada dal temps niev.

Ils 14 d.q. ha in grond pievel da lunsch e da maneivel accumpignau las davosas restonzas alla tiara benedida. A nus resta l'obligaziun da rugar per il salit da si'olma sin igl ur da sia fossa e salvar el en buna memoria. Allas familias en malencurada sincerein nus profundamein nossa condolientscha.

-u-